

# THEATRVM VERITATIS, ET IVSTITIAE

SIVE  
DECISIVI DISCVRSVS

Ad veritatem editi in forensibus controuersijs, Canonicis, & Ciuilibus,  
in quibus, in Vrbe Aduocatus, pro vna partium scripsit,  
vel consultus respondit

IO. BAPTISTA DE LVCA  
VENVSINVS.

*Per materias seu titulos distincti iuxta proximam indicem  
post praefationem.*

LIBER SEPTIMVS

PAR. I.  
DE DONATIONIBVS

PAR. II.  
DE EMPTIONE, ET VENDITIONE

PAR. III.  
DE ALIENATIONIBVS, ET CONTRACTIBVS PROHIBITIS

PAR. IV.  
DE TVTORIBVS, CVRATORIBVS, ADMINISTRATORIBVS, &c.



*J. Cleveret fecit*

R O M A E,  
Typis Haeredum Corbellotti. M.DC.LXXI.

SUPERIORVM PERMISSV.

S. P. Q. R.

IO. BAPTISTA DE LVCA  
FELICITATEM.



**D**ONATIONI, gratitudo a deò inest, vt hac cessante, illa cesset; Etenim magnificentiæ beneficio indignum, lex reputat ingratum; Cum itaque legum civilium Professores, has ex originali dono S. P. Q. R. agnoscant; Hinc earundem legum Ego Professor, atque in meo THEATRO VERITATIS, et IUSTITIÆ, pro forensi vsu earum explicator, pro gratitudinis, et obsequij monumento; Volumen hoc, in quo DE DONATIONIBVS agitur, Vobis offero.

D E

# DONATIONIBVS

## DISCVRSVS PRIMVS

### ROMANA DONATIONIS

#### DE IORDANIS

P R O

#### CREDITORIBVS GASPARIS,

C V M

#### EIVSDEM FILIABVS.

*Casus decifus per Rotam pro Filiabus.*

**An** & quando in donatione contemplatione matrimonij filij veniant vti filij in exclusionem creditorum fponfi donatarij; Et de duplici iure vel interesse primario, & fecundario Vxoris, & Filiorum in huiusmodi donatione.

#### S V M M A R I V M.

1 **F** Acti series.

2 **D** Decisionis causa.

3 **D** De inspectionibus seu punctis disputati.

4 **R**egula est, vt in donationibus contemplatione matrimonij filij non veniant vti filij.

5 **R**eferuntur tenentes contrarium pro vocatione.

6 **S**ed reprobandur ex communi sensu.

7 **T**enentes contrarium loquuntur, vbi filij sunt directe vocati.

8 **S**ine percipiunt filiorum interesse secundarium.

9 **D**onationes contemplatione matrimonij dicuntur pars contractus naturalis, & correfpectiua.

10 **D**e argumento ducto à dote ad quam filij non sunt vocati.

11 **D**e distinctione, quando filiorum fit mentio, an sint vocati à donatore vel à donatario.

12 **P**ater stipulando pro filijs censetur stipulari pro eis tanquam heredibus.

13 **D**e in verifimilitudine, quod quis bona libera vinculare voluerit.

14 **D**e acquirente feudum pro se & filijs, & de facultate disponendi, quam habet primus acquirens.

15 **Q**uandoque in decisionibus extensor non percipit sensum Tribunalis.

16 **D**e adminiculis super inclusione, vel exclusione vocationis filiorum remiffiue.

17 **Q**ue adminicula debeant magis attendi, & quomodo hac materia regulatur.

18 **E**st potius deferendum capitulis, quam instrumentis.

19 **H**abens pro se regulam dicitur habere intentionem fundatam.

20 **E**t habenti intentionem fundatam sufficit offuscare probationes alterius.

21 **I**n dubio est respondendum pro exclusione fideicommissi, & ad fauorem fouentis causam onerosam.

22 **O**bligatio Cameralis ad qua trahatur.